



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De accessu ad sanctum sanctorum Iesum Christum, regem Angelorum.
XXII.

[urn:nbn:de:hbz:466:1-45790](http://urn.nbn.de/hbz:466:1-45790)

qua. Ibi iam sequuntur agnum, quocumque ierit; quia nulla separatio ab ipso erit, sed in æternum gaudentes in Domino gaudebunt.

6. Hæc contemplare anima mea, & super omnia visibilia tuam cogitationem suspende. Verè locus iste sanctus est, & Dominus est in eo. Hic semper pax & gaudium redundant; hic omnium bonorum affluentia, omniumque malorum perpetua carentia. O si posses modicum quiddam de ineffabilibus sanctorum gaudijs rapere; unde peregrinatio tua aliquantis per consolaretur; quia apud me non inuenies nisi labores & dolores, impetus temptationū & luctus saeculi. O si tibi dignetur aliquid inspirare superni luminis auctor, nec vacuam te remittat ad arescentes escas meas; sed secundum diuitias superabundantis gratiæ suæ, ab omnibus materialibus formis te purificet & euacuet, ac in abyssum suæ æternæ claritatis vel raptim inducat. Utinam ex illo cœlesti sanctuario, formam & exemplar veræ sanctitatis, quam imiteris, reportes. Meliora sunt enim & veriora exemplaria cœlestium & confirmatorum, quæ terrenis demonstrationibus probantur. Da mihi Domine Deus sapere & intelligere, quæ sit sanctorum perfecta felicitas, non ex codicibus inde scriptis, sed per Spiritum sanctum, qui docet de cœlestibus secretis, suprà id etiam quæ possit humanus attingere sensus. Da & vitam meam multo ferventius ad spiritualiora eleuare, & inter crebra tribulationum pondera, patiētia palmam fortiter tenere; donec soluto carnis debito, ad hanc, quam desidero beatitudinem, tua misericordia valeam peruenire.

CAPVT XXXII.

De accessu ad Sanctum sanctorum Iesum Christum, regem Angelorum.

1. **T**u es ipse rex meus, & Deus meus. Exurge anima mea, veni, & ingredere in locum tabernaculi admirabilis, vsque ad dominum Dei. Decet namque, ut cæteris omissis, cum supplici reuecentia nunc procedas, ad salutandum Dominum nostrum Iesum Christum, saluatorem ac redemptorem tuum; qui est caput omnium principatus & potestatis, gaudium & corona sanctorum omnium, firma spes ac certa expectatio cunctorum fidelium. Ipse 1. Ioan. 2. est, qui te fecit & redemit, ipse pro te laborauit, certauit, & vicit. Ipse est aduocatus tuus, & propitiatio pro peccatis tuis. Ipse est consolator tuus, prouisor tuus, & gubernator tuus. Ipse est unicus & singularis dilectus tuus, qui pascitur inter lilia, & inter vbera tua optat commorari. Quis inquam tibi tanta bona fecit? Quis tanta charitate te dilexit? Ad hunc accede huic te p̄p̄be. Aperi ci

I i

cor

cor tuum, & enumera coram illo, quæcumque diu celata portasti. Nemo tibi melius indicabit nec reuelabit, quid speci vel consiliis sit gerendum in rebus humanis, quæ tot variantur euentibus. Apud ipsum vota & desideria tua, & in ipso consilio tua permaneant. Spes hominum frustra, ipse autem est stabilimentum pacis. Per ipsum habebis accessum ad Patrem, & ab ipso omnis gratia tibi donatur, & virtus amplior infunditur.

2. Siue tristernis, siue gaudeas, ad ipsum habeas semper recursum. Ipse specular vita, ipse norma iustitiae. Ipse lux indeficiens animæ, amor pudicitie, & gaudium conscientiae. Propter ipsum faciliter omnia delectabilia contemnes; propter ipsum omnia amara & contraria tolerabiliora erunt, & placebunt tolerata eius amore. Denique ex ipso, & per ipsum, & in ipso sunt omnia. Ad ipsum principaliter omnis intentio, omnis actio, sermo, lectio oratio, meditatio, & speculatio respicere debent. Per ipsum tibi salus datur, & preparatur vita æterna. Propter ipsum non timebis mori, nec recusabis vivere; quia eius fidelitati debes credere, nec eius honori vel amori quicquam præponere. Accede ergo nunc, & gratias age tuo redemptori.

Acceden-
tis ad Ie-
sum preca-
tio.

3. O dulcissime & super omnia amabilissime IESU, sis deuotissimè salutatus, altissimè laudatus, & nunc & æternaliter omnii creatura benedictus. O dignissime Iesu, quid honoris vñquā rependam? Aut quam gratiarum actionem reddam tibi, qui mihi infinitas misericordias exhibuisti? Et si aliquid inuenirem, quod tibi donare possem, nōnne tuum esset antequam dare? Quid ergo retribuam? Parum vel nihil habeo. Nunquid de nihilo sacrificare possum? Accipe tamen sacrificium humilitatis, paupertatis, & nihileitatis meæ; & sit totum tibi ascriptum, quiequid mihi impartiri voluisti. Dicant & pro me laudes immensas omnes Angelorum chori, tibi semper assistentes.

4. Dicant & omnes spiritus iustorum, alta iubilatione id ipsum repetentes. Sed adhuc quid agam, in memoriam & laudem sanctissimi nominis tui? Multa deberem agere, multis tencor & obligor, & vix ad minima sufficio. Legam igitur de te Iesu mi dulcissime, scribam de te, cantabo de te. Cogitabo de te, loquar de te, operabor pro te, patiar pro te. Exultabo in te, laudabo te, magnificabo te, glorificabo te. Digne adorabo te, quia Deus meus es tu, in quem credidi, quem amavi, quem quæsiui, quem semper optavi. Fac mecum signum in bono, ut videant oculi mei speciosum vultum tuum in cælo. Ad pedes tuos humiliter me prosterno, deprecans obnoxie tuam clementiam cum lachrymis, quatenus mihi misericors esse digneris. Scribe nomen meum in libro vita, nec vñquam illud debeat, quod sancta manus tua conscripsit.

5. Ego

Psal. 85.



5. Ego infelix, & sanctorum meritis valde dissimilis, de tua superabundanti prærogativa meritorum confidens, imploro, ut saltem inter infirma & extrema electorum membra, merear computari. Scio, quia non est talis vita & conuersatio mea, ut confidere aliquid de me ipso audeam; sed tota spes & consolatio mea, in precio preciosi sanguinis tui constat & requiescit; in quo me totaliter pono, & ponendum sentio, cum omnibus que egi, deliqui, merui, & omisi. Vide ergo exiguitatem & indigentiam meam, clementissime Iesu; attende affectum cordis mei, quem ad te gero & habeo; non quia ego dignus sum, sed quia tu benignus es, qui ab indignis non dedignaris tangi & amari. Terret me impuritas mea; sed iterum me trahit & allicit ad te, maxima pietas & humilitas tua; qui non solum homo fieri, sed etiam pro homine peccatore pati, mori, & sepeliri, in vera charitate consensisti. Ideoque ad te configio, quia nihil boni in me inuenio. Tu supple pro me, quod mihi valet vis mea perficere.

Psal. 145.

6. Tu desiderium mihi tribuisti, vt te salutarem, laudarem, atque benedicerem; quia spes mea tu es, & portio mea in terra viuentium. Desiderium anime meæ est, esse tecum in regno celorum, sed quia tempus meum nondum est paratum, expectabo te usque ad vesperam. Interim hæc mihi sit consolatio in loco peregrinationis meæ, quod memor sum nominis tui, & maximæ charitatis tuæ; & quod præsentem te habeo in fide & sacramentis Ecclesiæ. Intolerabile mihi prorsus foret in hoc mundo viuere, nisi spem haberem in te Domine. Nō enim consentio cum sæculo gaudere: & ne sine consolatione & gaudio manerem, in te stauti gaudium metu pónere. Multum & sæpe errarem, & multum in cogitationibus fluctuarem, nisi te in memoria mea & in imaginatione mea tenerem. Et quia diuinitatis tuæ altitudinem capere non possum, nec incorpoream veritatem comprehendere sufficio, turius me ad sanctæ humanitatis tuæ gesta & verba conuerto; quia hæc cogitans, non omnino à diuinitate tua recedo. Gratias tibi Iesu bone, dulcis, & amande, quia frater meus, os meum, & caro mea fieri dignatus es. Gratias & sanctæ MARIAE matri tuæ, de cuius virginali carne, sacro sancta corporis tui membra assumpsiisti, ac mediante anima rationali, perfectè diuinitati adunasti, vt ipsa non tantum hominis, sed & Dei mater dignè ac fideliter appelletur.